

զնա ի մահուանէ. եւ բազումս ի Քուշանաց անտի կոտորեաց, եւ զբազում զախոյանից զգլուխս բերեր զառաջեալ: 11 Եւ զՇապուհ թագաւորն Պարսից փրկեր ի նեղութենէն պատերազմին թշնամեաց անտի, ուր արգելին զնա ի խումն պատերազմին ի գաւրաց անտի: 12 Իսկ իբրեւ եղէւ յորժամ դարձաւ Շապուհ թագաւորն Պարսից յերկիրն Ասորեստանի, եւ մեծ շնորհակալութիւն ամներ ներքինոյն Դրաստամատայն վաստակոցն, եւ ասեր ցնա Շապուհ թագաւորն Պարսից. Խնդրեա դու ինչ յինէն. զինչ եւ խնդրեսցես՝ տաց քեզ եւ ոչ արգելից: 13 Եւ ասէ Դրաստամատ ցթագաւորն. Ինձ ի քէն այլ ինչ ոչ պիտի, բայց տուր ինձ հրաման, զի երթայց տեսից զքնակ տերն իմ զԱրշակ արքայ Յայոց. եւ առ մի ար. իբրեւ ես երթայց առ նա, հրաման տուր արձակել զնա ի կապանացն, եւ ես իշխեսցից լուանալ զգլուխ նորա եւ աւծանել, եւ ազուցանել նմա պատմուճան, եւ արկանել նմա բազմականս՝ եւ դնել առաջի նորա խորտիկս, եւ տալ նմա զինի, եւ ուրախ ամներ զնա արուեստականաւքն մի ար ճիշդ: 14 Եւ ասէ թագաւորն Շապուհ. Խիստ են խնդրուածքդ զոր խնդրեսցերդ. զի յաւուրց ժամանակաց՝ յորմէ թագաւորութիւնս Պարսից կանկնեալ է, եւ բերդն այն Անյուշ բերդ կոչեսցեալ է, չիք ոք մարդ եղեալ ի մարդկանէ՝ որ իշխեսցեալ է յիշեցուցանել թագաւորաց զոր յայնմ բերդի եղեալ զոք է թագաւորաց, յիշելով զայն մարդ՝ որ յայնմ բերդի զոք եղեալ է, թող թէ զնա զայր թագաւոր եւ զիմ ընկեր կապեալ եղեալ յայնմ բերդի զհակառակորդն. քան մինչ աշխատ արարեր զմեզ, եւ դու աւադիկ զանձն ի մահ եղիր եւ յիշեցուցեր զԱնյուշն, որ ոչ էին լեալ երբեք արեւնք թագաւորութեանս Արեաց ի սկզբանէ: 15 Բայց վասն քո՝ զի մեծ վաստակք են առ իս, զոր ինչ խնդրեսցերն՝ ե՛րթ, տուեալ լիցի քեզ. բայց քեզ արժան էր զաւգուտ քո անձինդ խնդրել կամ աշխարհս կամ գաւառս կամ զանձս: 16 Բայց յորժամ դու զայդ խնդրեսցեր, անցեալ լիցիս զաւրիանաւք Արեաց թագաւորութեանս. երթ, տուեալ լիցի քեզ որ ինչ յինէնս խնդրեսցեր փոխանակաց քոց¹:

17 Եւ ետ նմա փուշտիպան մի հաւատարիմ, եւ հրովարտակ՝ արքունի մատանեան, զի զնացեալ երթիցէ նա ի բերդն յԱնդմըշն, եւ զհարդ եւ կամք իցէ նորա, զոր աւրիանակ եւ խնդրեացն՝ արասցէ կապելոյն Արշակայ, որ յառաջ թագաւորեալն էր ի Յայս: 18 Եւ չոգաւ Դրաստամատն հանդերձ փշտիպանան եւ հրովարտական արքունի յԱնյուշ բերդն, եւ ետես զտերն բնակ. եւ արձակեաց զԱրշակ ի կապանացն երկաթեաց ի ձեռակապացն եւ յոտիցն երկաթոց եւ յանրոց պարանոցէն շղթայիցն սարեացն. եւ լուաց զգլուխ նորա, եւ լոգացոյց զանձն նորա: 19 Եւ ագոյց նմա պատմուճան ազնիւ. եւ Եարկ նմա բազմականս, եւ բազմեցոյց զնա. եւ եղ առաջի նորա ընթրիս ըստ աւրիանաց թագաւորաց, եւ եղ առաջի նորա զինի որպէս արեւն էր

1 Թերեւս փոխանակ վաստակոց քոց